



AR C'HLEUZ ALAURET

HAC

AN TOUR DANTELEZET



Var eun ton Galec.

Er Finistèr e zoun bet ganet,
 E He Castel-Paol eo man va brô :
 Ar vrô gêlla a ouffet cavel,
 Ha caera Tour zo tro vardro.
 Me o c'harie, me o admire,
 Qenlies deiz ro Doue, me lavare :
 Me gar va C'hleuz alaouret,
 Va Zour dantelezet.

Mes, pa voe rentet din ar c'hélou
 E zoa ret quittat va mestrez ;
 Ha mont da heuil an tabourinou,
 Dilezel tad ha tieguez,
 Me meus changet ha lavaret :
 Oh ! n'antàn get, n'antàn get, n'antàn get. . .
 Gueñl eo va C'hleuz alaouret,
 Va Zour dantelezet.

40 002. 55/8

— 2 —

Hac e vijen-me en em fachet ?
Senti d'an urz me a rànge.
Tud mechant a rê scouarn calet
Oc'h va daëlou, va c'hlemou-me,
Hac e c'hoarzet, e voa paet,
O lavaret : Yvonic ? n'antàn get !
Adieu va C'hleuz alaouret,
Va Zour dantelezet.

En despet din-me, er rejimant,
En exerciç, Yvonic paour !
N'em boa na gout nac ententament
D'anaout james *droite, demi-tour* ;
Hac e trôen evel ma sonjen,
Dre ma trôen, gant angen e clasqen
Güelât va C'hleuz alaouret,
Va Zour dantelezet.

Dionc'h ar gamel tam ne brofiten,
Treud, qen a güezen eus va za,
O vont varlerc'h ar c'horf me chomme
Bep cant bas d'en em discuiza
Hac e voelen, dre ma sonjen
Marteze qen birvigen ne veljen,
Siousas ! va c'hleuz alaouret,
Va Zour dantelezet !

« D'ar paotr-mâ n'eus nemet eur remed,
(Eme'n doctor) : eur c'honje mad ;
« Güelit-en... entrezec ar véred
« E qerz ar c'heas paour timad.
« Ha great e voe var ar guer-ze
« Dal da gonje qea d'ar guer alesse
« Da gaout da Gleuz alaouret,
« Da Dour dantelezet. »

O va brô gueaz ! ô brô beniguet !
Cetu me distro en ho creiz !!!...

— 3 —

Ra vezo da vigen miliguet
 Ar re am c'hasfe deus va Breiz !
 O va Zad paour ! ô va Mam guez !
 O Jantonie, va anter-tieguez !
 Gloar d'hor C'hleuziou alaouret !
 D'ho Tour dantelezet !

Bremàn cetu me em zieguez,
 Gant Jantonie, va greguic coant ;
 Eur greguic douç, leun a vadelez :
 A ra pep tra hervez he c'hoant.
 Beza hor bo bugaligou
 A vezo coantic evel oeligou.
 O va C'hleuziou alaouret !
 O Tour dantelezet !

Hac'eu zo boneur pâr d'am hini ?
 Nan m'en assur, a dra certen :
 Ne meus mui aoun deus an ennemi,
 Ha n'em bezo tanfoultr bigen,
 N'eus general, na corporal
 A ell gûelet evel dôn-me ractal
 Qer caër C'hleuziou alaouret,
 Na Tour dantelezet.

C'houi, soudardet va regimant,
 Qersit oll d'ar victor atao ;
 Pepini en deus e zantimant ;
 M'en em gar gant Jantonie brao.
 C'houi a redo pell dre bep brô,
 Ha me chomme amân bete 'rmaro,
 Gant va C'hleuziou alaouret,
 Va Zour dantelezet.

Mes mar teufe bigen ar Zaozon
 Da attaquî va brô qer Breiz,
 Eleal neuze, en gûir Breton,
 Me en tou amân var va feiz,

— 4 —

Qerqent e ven güir tor e ben,
Gant va Jantonie, hon daou o tifen
Hor C'hleuziou ker alaouret,
Hon Tour dantelezet.

Eun deiz, pa êruo an termen
Ma vezo ret renta ar gont,
Dirac treid ar Barner Souveren,
Me gred n'em bezo get a spont :
Me meus bepret an oll caret,
Ha va Jantonie ha me admiret
Hor C'hleuziou caër alaouret,
Hon Tour dantelezet.

FIN.



Morlaix, imp. Lanoé.